

72

REPUBLIKA BOSNA I HERCEGOVINA
 ŠTAB VRHOVNE KOMANDE OS R BiH
 S A R A J E V O

ODBRANA REPUBLIKE
 VOJNA TAJNA
 STROGO POVJERLJIVO

Str. Pov. Broj: 02/1-197
 Sarajevo, 18. 07. 1993. godine

POSUKO
 18.0793
 2329
 #nu

I N F O R M A C I J A

O TOKU BORBENIH DEJSTAVA NA TERITORIJI REPUBLIKE
 BOSNE I HERCEGOVINE ZA PERIOD OD 24 SATA
 DANA 17. 07. 1993. GODINE

ZONA ODGOVORNOSTI 1. KORPUSA

Na sarajevskom ratištu neprijatelj je tokom cijlog dana provocirao dijelujući iz pješadijskog naoružanja po linijama odbrane i povremeno artiljerijom po rejonima Borija i Mojmila. Neprijatelj je tokom noći i dana intezivno vršio pregrupisanje snaga i sredstava. Inteziviran je saobraćaj motornih vozila na relaciji: Lukavica - Vraca - Trebević, Lukavica - Vraca - Grbavica i Trebević - Vraca - Lukavica.

Pregrupisanje snaga i sredstava su velika, koncentracija oklopno-mehanizovanih jedinica i artiljerijskih sredstava je jaka na potezu od Kijeva do Trnova na svim dubinama. Na sarajevskom ratištu naše snage nisu preduzimale aktivna borbena djelovanja, ali su na adekvatan način odgovarale na provokacije neprijatelja.

Na trnovsko - igmanskom ratištu naše snage su uspjele djelimično konsolidovati odbranu i izvršiti utvrđivanje polovine zaposjednutih položaja i rejona. Linije odbrane Strajšite - Proskok se utvrđuje po planu. Linija odbrane od Proskoka - Ljeljanove strane i proteže se linijom: Glavica - Oštra Glava (1304) - Ljeljanove strane. Po dubini su djelimično utvrđeni rejoni Bijele Vode - Hojta kao izrazito jak objekat.

U toku dana neprijatelj je sa dostignutih linija sa pregrupisavanjem snaga izvršio napad i probio naše linije odbrane na pravcu Ledići - Dobre Vode - Šiljak. Jednim dijelom snaga izvršio je napad na Golo Brdo i isto zauzeo. U cilju razvlačenja naših snaga desantirali su na Treskavicu helikopterom na pravcu Ljute.

ZONA ODGOVORNOSTI 2. KORPUSA

U zoni odgovornosti 2.K. tokom jučerašnjeg dana nije bilo značajnijih borbenih dejstava, čak bi se moglo reći da je dan protekao mirno.

U zoni odgovornosti OG-1 B. Posavina agresor je sa poznatih

uporišta povremeno otvarao minobacačku i artiljerijsku vatru po linijama branilaca na gradačačkom i brčanskom bojištu bez posebnog efekta.

U zoni odgovornosti OG-2 Gračanica nešto jača artiljerijska dejstva agresor je sa Vrle strane i Kakmuža ispoljio po D. Lohinji i D. Orahovici, te iz Kipovca po Maleševićima.

Naše snage nisu odgovarale na neprijateljska artiljerijska dejstva.

U zoni odgovornosti OG-4 Kalesija agresor je povremeno otvarao vatru iz pješadijskog naoružanja i artiljerije po Kalesiji i Dubravama.

Naše snage u zoni odgovornosti OG-4 nisu borbeno djelovale.

U zoni odgovornosti OG-7 Doboj "Jug" neprijatelj je djelovao po gradu Maglaju i Tešnju smanjenim intenzitetom u odnosu na prošli dan. Primječen je pokret neprijateljevih motornih vozila od Teslića pravcem: Husar - Zmajevac - Staje. Iz pravca Banje Vrućice prema Tesliću neprijatelj je koristio helikopter.

Naše snage intenzivno rade na pripremi napada na istaknute semljišne objekte radi skidanja neprijatelja sa kota koje mu omogućavaju odbranu koridora Teslić - Ozren.

ZONA ODGOVORNOSTI 3. KORPUSA

U zoni odgovornosti 3. K. i proteklog dana nije bilo značajnijih borbenih dejstava. Od značajnijih zbivanja ističemo. U rejonu s. Glogarica - s. Bočinja (zavidovičko - maglajsko bojište) četnici su kroz novostvoreni koridor od Teslića doveli svježe snage i pontonskim mostom prebacivali se na desnu obalu r. Bosne a zatim preko Ozrena upućivali ka Vozućoj. To ukazuje na mogućnost skorijeg aktiviranja borbenih dejstava agresora u dolini r. Krivaje u cilju ovladavanja sa Zavidovićima i otvaranja koridora Olovo Zavidovići.

U rejonu Fojnice, postrojbe HVO poslije pretrpljenih poraza u borbama za grad i okolinu pokušavaju da konsoliduju liniju odbrane na pravcu: Kozov Grad - s. Veselica - Salakovići - s. Šavnik, dok je primjećeno i grupisanje bojovnika HVO u rejonu N. Bila iz sastava travničke brigade - oko 800 bojovnika.

Na prostoru s. Srednje i s. Čevljanovići četnici grupišu svoje snage koje će vjerovatno angažovati na pravcu Vogošća - Sarajevo.

Naše snage uporno brane svoje položaje, a na pojedinim pravcima izvode ofanzivna dejstva, izviđaju agresora i uređuju dostignute linije u inženjerskom smislu.

ZONA ODGOVORNOSTI 6. KORPUSA

Iz rejona Hadžića četnička artiljerija je cijeli dan gađala civilne objekte u Pazariću i Tarčinu. Na podkružju Konjica agresori nastavljaju djelovati iz svih vrsta naoružanja po linijama odbrane naših snaga i samom gradu.

Posebno intenzivno dejstvo vatrom iz svih raspoloživih sredstava,

snage HVO i HV ispoljile su na području G. Vakufa, a izvršen je i pješadijski napad na s. Batuše iz pravca Pečine.

Na području Fojnice HVO vrši pregrupisavanje snaga pokušavajući organizovati odsudnu odbranu.

Na području Jablanice snage HVO i HV sa poznatih uporišta djelovao je artiljerijom i tenkovima po samoj Jablanici i okolnim naseljima.

Snage 9. bbr u rejonu Pazariće čvrsto drže svoje položaje kontrolišući linije prema Igmanu i Lokvama, kao i prema Koščanu.

Z A K L J U Č C I:

a) o agresoru

Neprijatelj eksploatiše uspjehe na Trnovskom ratištu i nastavlja ofanzivna b/d u pravcu Igmana. Svi podaci govore da će agresor nastojati da po svaku cijenu zauzme strateški važan objekat Igman. Na taj način bi stvorio solidnu osnovu za izvođenje daljnjih napadnih b/d prema Sarajevu i Konjicu. U narednom periodu je za očekivati još žešća napadna b/d iz pravca Hadžića prema Igmanu i Pazariću.

U narednom periodu očekivati je intenzivna b/d u z/o 1. 2. 4. 5. i 102. mibr 1. Korpusa A RBiH.

U posljednje vrijeme neprijatelj vrši pregrupisavanje i dovođenje novih snaga u z/o S. K. ARBiH, što ukazuje da se priprema za izvođenje napadnih b/d na tom dijelu bojišta.

b) o našim snagama

Na sarajevskom ratištu naše snage pokušavaju zaustaviti napredovanje agresora sa pravaca: Trnovo - Igman i Hadžići - Igman, svijesni značaja objekta Igman za sam grad Sarajevo i državu BiH.

U zoni odgovornosti 4. Korpusa naše snage uspješno izvode borbena dejstva na pravcu Buna - Stolac (dubravski plato) sa snagama HVO i HV. Na ostalom dijelu BiH ratišta naše snage nisu izvodile značajnija borbena dejstva.

IB/FJ/PS/ČM/GH/JA